

Juudawaanon Tere

Juudanon Tereya ano.

Jen-asa-asari

Juuda ii Jiisas ano Jeims yoroo kogara. Tosianon “Kraist moma laarion,” jen qaa doogoya ejemba kuma soon onoma laligogiti, Juudanon iyonoonon ama galej meme qaa ooro. Buja Tere koi torodaamon. Qaaya ii 2 Piito 2 qaa iikawaa so. Juudanon Kraistwaa alauruta ananaa uunana kokaen kuuro, “Anutunon anana kambaon so moma laariwombaaon momalaari nonono kanagesouruta koloojonj, ononon mono momalaarigianon seij kotiiwaatiwaaon toroqen manja qen laligowu.”

Buk kokawaa bakaya waja 4 ii kokaen:

Qaa mutuya 1-2

Boi takapolakaya yonoo kanagia ano jenteegogia 3-16

Toroqen pondan moma laariwombaa jenkootoya 17-23

Kotumotue qaa 24-25

¹“Juuda bisop Jeimswaa koga niinon Jiisas Kraistwaa welen qen mun uumeleen alauruna onowo qaa amin mobombaaon kan tere koi oojen.

Anutu Manananon onooma uu konoanon jopagon onono Jiisas Kraiston sop somonon onono laligoju.

²Anutunon mono kiankomun uujopaya kelemalelen onono luaenon laligowu. Kian.

Buja qaa meeqeerangowaa galej meme qaa.

³Oo wombo alauruna, Anutunon hamo qen nonono letoma motoon Siwewaa buja koloojonj, niinon iikawaa qaaya jen asarion oon onomambaaon siija somata moma laligowe. Laligon laligowe bimooro toroqen mambomambaaon amamaajen. Kawaaon tere oon uugia kokaen kuuj ononjen: Anutunon momalaariwaa qaa batuya kuuya ii ejemba

^a 1.1 Mat 13.55; Maak 6.3

soraaya tataanikota anono meŋ galerŋ koniŋ mende utegowaatiwaajon ano buŋananaga koloaja. Kawaajon boi takapolakaya tosianon Buŋa qaa melokanjin ambubotiwaajon mono bon nama manja qeŋ laligowu.

⁴Ejemba tosianon mondon uumeleerŋ tuuŋ batugianon olon kondondonon kougŋ kaniagia doogoya ii asuganon mende asugiro laligoju. Anutunon ejemba kaanŋ yonoo qaagia mono wala eenanon jeŋ tegoro oogita siimbobologianon yonoo qagianon umambaajon anja. Anutunananon qaaya ama kalenmorianŋaa kania honjanon ninisaamakejato, ejemba anŋgonjoragiawo yononon mono iyanŋiaa serowilin nambonnambongia turuwutiwaajon ama kalenmoriambaa qaaya ii meeqeeranon meleŋqeleeŋgi bolinjeja. Kaen ama ananaa Somatanana motoonŋo Jiisas Kraist Ponana koloon namakeji, ii qakooma gema qeŋkeju.

⁵^bOŋo qaa kuuya ii mono kamban koriga modaboron laligojuto, kilen galerŋ meme qaa koi duduuwubotiwaajon mombo kokaen jeŋ gbilin onomambaajon mojen: Ponon kanagesouruta Iijipt kantrinonŋa metogon ujuano kagito, kanagen tosianon kamban monon mende moma laarin mugiti, ii kondemondeen ama onono tiwilaagi. Galerŋ meme qaa iikaanŋa ii onoojon ama mombo jejen.

⁶Kaanagadeen Anutunon Siwe gajobauruta galerŋkonon toonŋia ama onono laligogito, iyonoononŋa tosianon uugere ama qaa baatanon mende kema iyanŋiaa galerŋkonon toonŋia galerŋ koma onombombaajon uumotoon mende ama sopagia kororoogi. Qaa qootogo anŋitiwaajon ama Anutunon ii hagon onono jinŋkaron duŋ mirigia mesaon kamaagi. Kamaagi “Kamban somatanon qaagia jeŋ tegomanŋa,” jeŋ gbadonon gbadoon onoma pangamanŋ uutanon onoono rama kougita kamban tetegoya qaa rama ubuya. Galerŋ meme qaa ii onoojon ama mombo jejen.

⁷^cTani motoonŋo iikanon Sodom, Gomora ano gomanŋ tosaanŋa liligon ragiti, iyonoonon kolooro. Ejemba yononon kaanjadeen serowilin ama selewaa siinŋia kombombaŋa meeranon tania mon kokaen anŋi: Eja woi iyanŋarodeen ano emba woi iyanŋarodeen agimin aon laligogi. Kaen laligogi Anutunon ironŋia meleema onono gere jeta tetegoya qaa onoooro siimbobolo moma laligon kouma laligowuya. Kaen laligon boi takapolakaya yonoo galerŋ meŋ aowombaa kaisarenanaga koloonkeju.

⁸Ejemba takapolakaya yononon kamban kokaamba tani motoonŋo kaanjadeen amakeju. Jaagia meleeno iwoi ujanŋaya lanŋ iima iikanon monon otaanŋ iyanŋiaa selegiaa laaligogia ii meŋ bolin kokojinjin mokoloonkeju. Iikaanŋa kanon Anutu jejewili ama jeŋkononŋon jeŋ mun ku-usunŋa meŋ kamaanŋ amakeju. Kaen ama Siwewaa benŋakon kawali ejemba asamararanŋiawo eukanon laligojuti, iyonoojon uuqeqe qaa tokoronkota jeŋ onomakeju.

^b 1.5 Eks 12.51; Jan 14.29-30 ^c 1.7 Jen 19.1-24

⁹Kaen amakejuto, Siwe gajoba waja qata Maikel iinon kaanagadeen kaen amabaajon moma bimoon amamaaro. Maikelnon Mooseswaa gamoyaajon Kilenaa Toyawo angowowo ama mononogosi ano. Ii ama uma kamaaroto, kilen uqege qaa tokoronkota ii jen tegon mumabaajon awasankaka mende mokolon amamaaro. Amamaan kokaanadeen jen muro, “Pon anjo mono mindinon gomba.”

¹⁰Maikelnon kaanagadeen ii amamaaroto, ejemba soosooya yononon mono selegia menj uma Buja qaa mende moma kotonkejuto, kilen iikawaajon uqege qaa tokoronkota lan jenkeju. Tompin laligon oro soona kaaja lansaj laligoju. Momakootogia hona mende kolooro oro laaligowaa siingia qerewenja iikayadeen momakeju. Iyangiaa siin momogia ingonmangonja iikanon mono kondeema onono tiwilaawuya. ¹¹“Anutunon boi takapolakaya yonoo irongia meleema onono siimbobolo somata mobutiwaajon qama wanjinjigon “Yei!” jejen. Ejemba soosooya yononon eja Kein (Kain) iwaa kania metetereen kemakeju. Kanagen kere eja pon mononon eja qata Balaam tawa muro Israel ejemba tiligon onono jinjaun kenji. Boi takapolakaya yononon Balaambaa silia otaan monen mokoloowombaajon ugere moma iwoi iligalan ama bimbigon lan soonkeju. Eja qata Koora iinon Mooses ano Aaron yangisen qaganon tuarenjen ama oroma iikanon tiwilaaroti, boi iyononon mono Koora kaaja gejajuju ama laligon tiwilaawuya.

¹²Uumeleen ononon uukalen qendeema aowombaajon ajoroon lomban anji boi takapolakaya yononon iikanon kaanagadeen kankeju. Kan dogogia asuganon qendeema iyangiaajonadeen romonon baonon newageen nepaqepalo nenkeju. Kaen ama onoo sele jewongia boronja boronja gamugiawo kaaja koloou. “Ziozwaa eja toya koloou,” jen ala onoojon mende romonon kele qaa lan jenkeju.^f Koosu omaya tontonon konja qaa kaaja laligogi haamonon utitiin onono lansaj kema kankeju. Honja koloowaatiwaa kambananon geria geria araroga hongia qaa kaaja nanju. Gulun senja kaaja koloou wala koomuya koloou tiigia laaligo kotigaa kanianonga qonjoma tama mombo komun kotiigi indin woi kolooro koomuya totoon koloou laligoju.

¹³Yononon kowe siri usunawo kaaja lan qindiingi nanamemengia gamuyawo iikanon kokopa godomaruruyawo kaaja asuganon asuginkeja. Sengelao tosia kanagia songin lan kamaankejuti, yononon mono iikawaa so jinjaun qenkeju. Sengelao iikawaa so kamaan Anutunon yonoojon pangaman ziwiziwiwaa uutanon mirigia arengoroti, mono dutanon emukanon kemen kamban tetegoya qaa rama ubuya.

^d 1.9 Dan 10.13, 21; 12.1; Isa 12.7; Dut 34.6; Zek 3.2 ^e 1.11 Jen 4.3-8; Jan 22.1-35;

16.1-35 ^f 1.12 Boi yononon toron kaaja asanjon rajuto, wangogianon iyononon qagon janwowabo.

¹⁴ Aadambaa sakonjaa esia qata Eenok iinonj kaanagadeenj ejemba takapolakaya yonoo gejatootoo qaagia waladeenj kokaenj jerota eja: “Mobu, Pononj Siwe kawali ejemba toroya tausena tausena janngogia uuta somata ii unuama kamaanj asugiwuya. ¹⁵ Asuginj korebore ananaa qaanana jenj tegowaa. Ejemba anjonjoragiawo yonononj nanamemen anjonjorayawo otaanj singisonngogia anjonjoragiawo ama kougiti, ii kuuya gosinj iikawaa ironja meleema onono kuuya yonoo qagianonj ubaa. Qinji ejemba anjonjoragiawo yonononj qaa jaanonj kemekeme gamuyawo iikanonj Anutu jenj qewagonj munj kougiti, iikawaa ironja kuuya meleema onono siimbobologia moma laligowuya.” Eenoknonj galej meme qaa kaenj jero.

¹⁶ Boi soosooya yonononj jenjkonjonjonj temboma sosonjae kaanja njindinj-nunduru laj jenj aonjeju. Iyanjiaa siingia kombombaņa bologa otaanj tereqerereenj selegia menj uma jaba-arambaranj amakeju. Ejemba tosaņa goda qenj kele unujuti eenj, ii iwoi meleema iyanjiaaonj onombutiwaa siija moma kelebele amakeju. Kaanja laligoju.

Galej meme ano qambaņmambaņ qaa tosia

¹⁷ Kaenj laligojuto, wombo alauruna, Ponjana Jiisas Kraistwaa aposolurutanonj boi takapolakaya yonoo qaagia mono waladeenj jedaborogita eja. Ono yonoo qaagia duduuwubotiwaajonj mono galeņgia menj aonj laligowu. ¹⁸ Aposol yonononj qaa kokaenj jegi, “Jiisaswaa kaka kambaņanonj toriro kambaņ tetegoya kanonj mepaqepae ejemba koloowuya. Yonononj iyanjiaa siingia kombombaņa bologa otaanj laaligo anjonjorayawo laligowuya.” Kaenj jegi.

¹⁹ Ejemba takapolakaya yonononj batugianonj uudendeenj ama ononji siinjerereenj ambubo. Uņa Toroyanonj mende sololonj onono balombaa siinj kombombaņa bologanonj galej koma onono ii otaanjeju. ²⁰ Oo wombo alauruna, Anutunonj momalaari qaita monj ononoti, ii mono tandogia sewanja uuta kaanja kolooja. Onononj mono momalaari iikawaa qaganonj nama nanjonj aonj kotikotii mokolonjkebu. Uņa Toroyanonj inaanj onjmakejiwaa so mono iwaa ku-usunjonj nama qama koolinj laligowu. ²¹ Anutunonj jopagonj onjmakeji, onj mono iwaa uujopayanonj bonj qenj nambu. Ponjana Jiisas Kraistnonj kiankoomu onjoma mombo asugiro laaligo kotiganonj keuma oyanboyanj laligowu. Onj mono kambaņ ii kanj kuuwaatiwaajonj kaparanj koma mamboma laligowu.

²² Ejemba uugia meleembombaajonj uuwoi anjuti, ii mono kiankomunj onjoma uujopa qaganonj laligowu. ²³ Tosianonj gere bolanonj kemenj tagowombaajonj anjuti, ii kemebubotiwaajonj mono uulanjawo horonj wanjia somonjonj ononji letombuyaga. Tosianonj siingia kombombaņa

§ 1.14 Jen 5.18, 21-24 ^h 1.18 2 Piito 3.3

bologanonj galenj koma onono qemasologenj laligojuti, ii mono kiankomunj onoma laligowu. Kaanja laligowuto, onjoangiaa laaligogianonj boliwobotiwaajonj mono keegia moma laligowu. Qemasologenj yonononj singisonogoya singisonogoya anji iikanonj uugia selegia saa qero asuganonj totowinj laligojuti, iyonoojonj mono galengia menj aonj laligowu. Kokojinjij ambubotiwaajonj mono opo surugia jewonjowo ii kaanjaadeenj sisigia menj mende oosiriwu. Kianj.

Mepemepesee qaa

²⁴Mono Anutu mepeseenjkebonja. Iinonj onjo tama kamaanj unjuwobotiwaajonj ama sopa somonjonj onjomambaajonj kotijia. Iinonj saanonj unjuama iyanjaa jaasewanjanonj onjoono keuma solanja koposowaa qaagia qaa nama asamararaja iima aisoonj otokorianj maama laligowu. ²⁵Anutu motoonjo iinonj Hamoqeqe Tonana kolooja. Ponjana Jiisas Kraistnonj nemunj koma nonono Anutu mepeseenj munij qata akadamuyawo koloonj enj ubaa. Iinonj monowaa monoyanonga kanainj kouma Uutanana ku-usunjowo kolooja ano kambanj kokaamba toroqenj iwoi kuuya esunmumuyanonj galenj koma kambanj tetegoya qaa Ponj koloonj nonoma laligonj ubaa. Qaa ii onjanonj.